

陳太史無夢園初集

陳太史無夢園初集

古吳陳仁錫明卿甫著

籌邊論

邊屯責人

遼之講屯也丙寅秋八月經臣撫臣或議軍屯  
或議民屯閣部無以應則徐曰秋防在邇姑待  
異日夫閫外之事苟利軍興專之可也軍不妨  
民民不妨軍何待卜諸朝乃決事哉議論之不  
一事權之不一也及事權一矣而議論又不一

顧其人何如耳雖然留萬人屯田軍將息而用之非臨敵事也

邊報責實

田錫有言禦戎在辨邊報虛實察左右蒙蔽有無所以寧寬過誤之誅有戴罪殺賊之條而必嚴欺罔之戒妄奏報殺無赦也

行邊責大臣

范文正公備邊策一密爲經畧又請材識近臣親視邊壘精究利害半年歸奏更令中書樞密

院細訪熟議今起自遼東歷宣府大同延綏寧夏甘肅平涼分爲二員領以尚書侍郎之職每歲一巡聞事必實且令總兵以下各舉所知而經撫不患乏員矣公又曰須差近臣往彼密爲經畧方可預定法制臨時不至差失至哉言乎

將材責撫按有司

范文正選將議或委樞密院三班院殿前馬步軍司進呈籍記以補本路之缺又須別選知州知縣可治兵者今撫按荐舉武臣多循故事不

如專委密報的係堪戰者不拘官級草莽之士  
上其名于兵部部呈御覽註某撫某按所舉  
此卽進呈籍記之說也奇材異能之士州縣豈  
有不知倣古舉孝廉茂才例逕達兵部以備訪  
求可省鑽刺之路通道府之隔

倉場草場軍器火器責成守禦

靖康入犯幹離不逕趨牟駝岡天馴監芻豆山  
積異時郭藥師來朝得旨毬戲於是導之直趨  
其所都城東北鄭村壩二十四馬房昔人議築

城護之移附就近倉場而營以騰驤四衛特敕武臣鎮守故與其有事而擒奸細不若無事而嚴守禦

各邊管糧責甲科

管糧通判上自督撫下迨軍士無不仰給其權重其奸積糧米草束經月苛勒多致激變又坐罪軍吏而不與其愛且與武弁狎處漫無綱紀或云易一甲科推官懸格早爲升遷出入必慎兼綜核將領使有所嚴憚爲關臣按臣耳目遇

有邊儆可實封上聞亦救時之奇也

紫荊關河套責邊臣

洪武初北邊重鎮曰宣府曰大同曰甘肅曰遼東曰大寧大寧革而所存者四鎮耳寧夏肇于永樂榆林始于正統花馬池等堡臨事創置惟大寧都司興營義衛等衛一移內地而昌平以東遵化永平一帶暨京師單薄甚矣然則居庸以東歷黃花鎮古北口直抵山海關能無設重兵以代大寧而潛爲恢復地且復洪武中山后

帥聞之舊俾與宜大列爲三鎮直達遼東亦不可後矣河套一失虜反入吾之內而吾之所守者及在其外今又有插酋往來于其間可不防哉防秦晉之流寇而不防虜未可解也

撫賞責路將班軍并責協守

各邊撫賞承委官員侵剋貨物祖惡必責成路將舉匪其人連坐叅處又不如竟令客商至邊平買之爲愈省直班軍備守必連坐協守凡主將年終之舉刺視客將備守之功罪以爲定據



蓋協守可以節制路將而不可兼督客將也

守臺并責操部

懸崖峭壁崇岡峻嶺九邊唯薊最固嘉靖庚戌以來督臣譚綸等創議修邊建臺守以南北官兵我乘高易拒彼仰面難攻可以匹馬不入自北虜內附漸失初意衝要牆臺反多濶畧且南兵以臺爲家故不惜厚餉二十萬募集萬人分守千里初時臺未備其在營餘兵名曰操部俾與北兵互爲聲援備六續發臺耳后遂爲常續

建新臺輒干舊臺抽撥而不及操部于是革冗  
數百卽以其餉增益臺兵臺日多兵日少操部  
頗類贅疣况抽減舊臺兵目以守新臺則沿邊  
各臺漸弱而操部厚餉虛糜使該管以影射扣  
剋爲得計宜令三路南營操備等兵官盡發衝  
要臺牆固守在操兵樂省僦居之費在臺兵亦  
無獨守之勞甚矣薊之急也隆慶元年題准薊  
鎮與大衆達賊血戰臨陣斬級一名顆者超陞  
二級不願陞者賞銀一百兩他邊不得援以爲

例蓋守重戰更重云火焰山一帶數被蹂躪自  
史車二酋歸附稍寧至南山永寧在陵京之后  
鎮邊一路大石嶺外卽宣鎮懷來大川若薊鎮  
古北牆子二路又大舉故道慎之哉國家以三  
衛安插兀良哈等屬夷迨

成祖末年附阿魯台入寇致厯王師及

宣宗朝車駕親出喜峰口猶悍然罔忌舊例如  
遇大舉近邊在東協緊急則中協東援西協次  
之在中協緊急則近東者東協先之近西者西

協先之倘西協警急而昌鎮無事則昌鎮管援  
其西馬蘭路兵援其東使三協兵馬不致併聚  
一處庶免乘虛突犯耳薊鎮兵馬錢糧原各衛  
屯糧及直隸各府山東河南民運又歲運漕本  
色十萬石折色十四萬石因屯廢虜入始將兩  
淮水鄉鹽九千一百四十九引長蘆折布鹽四  
萬五千三十三引關中發年例九十二萬三千  
二百八十二兩零至庚戌之變又增昌密漕糧  
十七萬近又分永平一路增設郎中一員皆爲

此三鎮也蓋漢南北匈奴卽今薊遼三衛南匈奴也土蠻爲胡元買的里八剌遺種遠據塞地北匈奴也弘正及嘉靖初三衛夷情雖驕不至甚且自山海抵黃花鎮則藉三衛作藩司居庸抵偏頭則據林木爲固近三衛反勾連土蠻寇遼左而山水砍伐更失地險三十六家之叛所自來矣

宣府宜先自治以援薊保

宣鎮北門鎖鑰金人破遼元人取金悉自其地

故衆論薊保在宣鎮之上不知宣鎮尤重畿輔  
東自渤海所黃花鎮西抵紫荆關倒馬關是謂  
內邊相應專責薊保拒堵于內不得藉口于宣  
鎮之應援而自失其險宣鎮東自四海冶北歷  
獨石西抵陽河是謂外邊應責宣府等修飭于  
外不得一意于薊保之應援而自疎其防昔人  
有云薊有警宣府總兵不待調遣卽先入關然  
必賊已潰薊鎮之牆方可若賊趨向未定萬一  
如往年舍薊鎮從滴水崖永寧入犯本鎮半日

節抵南山一日卽抵居庸何以禦之又如往年  
一犯山西一犯薊鎮則宣鎮何以制之或犯薊  
以西則京師爲重俱應入衛或犯薊以東與各  
邊尋常入犯相同宜府宜專防本鎮止于奇遊  
兵內量遣一枝代總兵入關遙振足矣故各鎮  
兵將于賊之未入也乘障列成拒之于邊于賊  
之旣入也分道乘間遏之于堡今宣鎮兵先期  
俱布懷延而賊如入無人之境聞警俱衛陵  
京不敢輕戰賊一據我門戶內鮮積貯外無重

援是坐困也

三秦先務

寧夏一鎮屯卒有挑渠採草捲埽守壩等雜差  
因寧夏田土賴黃河有漢唐二壩實衣食之源  
採草送壩樂供挑濬惟將領占據灘蕩湖道將  
採下草柴私役軍士爲累耳延綏鎮糧額派陝  
西延安慶陽三府原係本色自布政文貴奏改  
折徵軍餉始虧巡撫馮清因之盡改折色而米  
價騰貴都御史王遴始開黃河設置船隻輪運



王崇古議復本色遑餉因延綏在萬沙之中背  
居套虜無日不警馬每月給料四斗五升草銀  
五錢今草豆皆乏養馬既難只得棄馬先年虜  
營頗遠官軍尚有牧馬採草之時今軍馬無可  
休草豆復貴其不容于不增者勢也楊襄毅督  
甘肅明罕東諸屬番避居肅州境上其衆滋繁  
襄毅築白城威虜等七城徙其部落數千人稍  
給牛具于是離塞四五百里亦一時之盛云

遼馬

會典載 國初遼東馬四十萬匹極爲蕃庶故  
設苑馬行太僕二寺以經紀之其後生息虧耗  
以至今日歲發年例銀兩以佐其急乃任意取  
用唯賄是聞每萬必扣二千給馬戶而稱兌必  
除秤頭委官因而效尤馬盡老弱而無用今日  
收一匹而明日死此月收一匹而來月死夫如  
是三面之虜安得不睥睨而狂逞

遼餉二司

有軍而故懸缺不補以爲留餉之地有餉而故

留作羨不爲補軍之用自報羨餘以來原額軍馬每有勾募至送餉司一槩不補因此逃者益衆軍額益虧且該鎮餉銀原無所謂羨餘也自萬曆十四年以後陸續題增兵馬等項歲該糧料不下七萬兩未嘗以增添取給於部發也每歲通融數萬之外一官三載復報羨餘二十餘萬則何術而支餉司然則不於軍之逃故馬之倒失是取而誰取哉軍利于不補而得免勾呼則相率而逃官利於不補而得扣糧料則惟恐

不逃必使該鎮軍馬盡歸於逃故該鎮糧餉盡入于羨餘而後已耶

遼兵數不可少

他鎮有邊無腹遼則夾山海而緣處其一涯如弓背然腹徑不過數十里而邊長且二千三百里他鎮皆一面對虜而自舊遼陽失後虜插入而巢穴其中竟分遼爲兩段河西却縮於西南河東贅懸於東北又各以三面對虜矣他鎮有邊牆遼獨與虜接壤而處即使額軍十一萬額

七萬餘匹一無缺猶不足以充擺邊之用而矧曰不補乎予往前屯一帶有汰卒五千皆壯士也拘于汰兵之例而裁之倘以此卒城關外至寧錦臺給工食不過需關門石灰耳又以此抵京邊召募之卒不猶愈于冗冗乎况遼人識虜旗號使居先探虜其偵必實

廣寧兵額

廣寧舊止正兵左右兩翼三營中權犄角聲勢相連將出部推人知自愛其後改爲十營委用

開將盡出私門坐占軍人半爲伴役軍視官爲  
贅疣官自視爲傳令京營十萬之師亦不過三  
大營而止今廣寧兵馬一萬有餘而分作十營此  
何爲者且各營將領盡川廢閒與中軍千把總  
至用八十二員又何爲者廣寧兵馬先年原分  
七營至萬曆二十五年歸併三營誠爲有見乃  
至二十九年復分十營則又不止七矣追雖移  
二營於戚家堡而入營如故裁哨探火器二開  
將而六將仍存恢復之後仍其初制可也

遼餉積弊

遼餉惟家丁差厚其營堡軍士月止四錢或二錢五分每歲折色四月本色八月各倉舊儲米豆向因鹽糧援例人等買票虛出通關情弊以致陳者不出新者不入浥爛不堪而近收者又被官吏插和沙土穠稅各軍雖得糧票多不願關領遇有前項買票者則每票賣銀四五分或付之水火而已

遼馬失亡之故

遼各管失額不行隨缺隨補自追措細打之法  
不嚴倒死一匹遼俗官給銀十兩外又灘派閭  
戶餘丁湊銀一二十兩以此軍士不加愛惜兼  
之舊帥占盡夷市不論老病瘦弱一槩收買以  
冒官銀又以軍馬代驛馬盡一管之馬輪流替  
應而馬缺于奔馳矣十數年來專恃夷馬凡土  
產者雖龍種不得售一錢遼東至今以養馬爲  
戒而所市夷馬又乘我之急而匿其精壯售其  
老弱舊規年例馬價解到當卽酌量多寡分發



各道買馬操備自舊撫鎮將銀兩收貯廣庫獨  
爲廣寧買貨撫夷之用止將所市夷馬分俵各  
道計所俵不及銀數十之二三而所欠各道馬  
價有三年者有二年者及查庫又無存留銀兩  
雖遺下段貨諸物約值十餘萬金澄惡壞爛減  
價以售夷馬而夷人不收算價以分各道而各  
道不取

昔年視實數

閱視所至開原不及二百人鐵嶺不過四百人

東協不過五百人瀋陽則抽選鋒者拾數人猶  
意廣寧大營兵馬強壯可恃而左翼營不過千  
數百人耳

不救開原之失

開原不置重兵則西虜宰賽等二十四營無所  
忌憚其款不固與奴酋之交又合而於北關之  
好又攜北關併而開原危北關亦必附西虜以  
自固北關去而開原亦危應於開原營增兵一  
千五百人以居中策應慶雲堡增兵一千五百

大改備禦爲游擊銜以彈壓西虜或靖安或柴河堡增兵千人添一備禦以防奴衆此救開原第一義也其次則汎河懿路各量增數百人以守要害左山右河路寬不過二三十里一失其據而開鐵之聲息不得南通也若遼所屬惟清河堡最爲緊要其地距奴酋住寨不過數十里酋若侵犯必從此出若我攻取亦從此入而所轄害孤山散羊谷等六堡俱險阨而遼濶難顧丁此堡增兵千人各屬堡俱復舊額改守備

爲遊擊以統之寬奠營量增五百人與清河犄角相望使酋欲南侵遼而憚堅利之在前欲北出開原而懼搗襲之在後此困虜之一奇也又于遼陽協營二千人爲專制東方之計藩陽量增一千人西防北虜之掠東應撫順之衝而寧前則量增一二十人以佐其弱

紀河東失守之故

寧前一面臨虜又去大營近易爲救援而開原則三面臨虜孤補虎穴寧前自山海關抵中左

所三百五十里因虜警增置參游者四副總兵  
者一而開原自清陽堡抵蒲河二百餘里僅得  
兩游擊向以海建效順未有所增置也廣寧大  
兵條撥正安堡條改戚家堡條移右屯條置親  
兵陸續增添營路相接而河東守禦實爲疎濶  
且旣以河西之班軍減河東之額伍又以河東  
之逃故給河西之雙糧而河東兵馬錢糧則有  
百減而無一增也

遼屯原額

高皇帝以遼左之地在元爲富庶列衛置戍遂因海上運饋不便令羣臣議屯田之法洪武二十四年收糧五十三萬餘石永樂十年收糧七十一萬餘石其後災荒頻仍數目虧減今雖正數三十二萬有奇而以粗折細却止二十一萬餘石版圖具在而糧數日減者土地荒也國初額軍十餘萬並無年例銀兩專恃屯糧支給至嘉靖間誌書所載軍馬猶存七萬三百有奇步軍三萬七千四百有奇屯軍一萬八千六百

有奇鹽鐵軍羊千七百有奇而是時解給軍餉  
除山東抄布花外部發年例止一十九萬八千  
有奇因坐食而冒雙糧者多也况自先年改屯  
軍爲操軍耕作之徒率歸舍餘屯軍盡廢而屯  
田益荒矣

遼撫賞額設

如市稅子銀原該撫賞支銷者專聽撫賞應用  
市稅子銀不敷者俟照各邊例會請正項應用  
其永寧監馬餉銀夷馬價銀專聽買馬應用邊

夫銀專聽修邊應用租課商稅各雜項及紙贖銀兩專聽賑濟饑民製造器械修理倉廩及公務應用賞功優恤胖襖等銀專聽本項正用不得槩指撫賞名色混行動支乃將前項盡數登入循環歲盤閱事各冊以便稽考凡動銀俱經該道轉行各官支用完日造冊繳報不得徑委當季等官赴庫取用其當季官卽行裁革庶幾遼左錢糧不致借撫賞之名而一槩侵漁惟本鎮原無撫賞從前當事又不據例疏請乃爲一



明苟且之法而貨馬子銀之名出矣馬市會一廢于萬曆十五年之時蓋亦爲事例窘碍不得已又于三十九年而復之第不宜創爲貨馬子銀不過巧托名色展轉爲用馬價之資耳

### 遼馬原額

遼左年例馬價一十一萬七千八百七十五兩每年部發解遼原爲廣寧遼陽寧陽開原海蓋五道酌量馬匹多寡均發買馬而設非爲廣寧六道撫賞設也總計全遼馬驢五萬二千餘匹

頭內廣寧一道數不及二萬計馬分銀每年應得馬價不過四萬兩耳祇以撫賞故除分馬價六萬四千二百三十餘兩外又扣留各道銀一萬七千四百六十餘兩以一道獨得八萬一千七百五兩而遼陽等四道止共分得三萬六千一百七十兩又祇以撫賞外併此三萬餘兩亦不聽四道領去而仍留廣寧自用以致逐年欠下各道馬價七萬餘兩

開原老邊

開原邊有二道一爲老邊自慶雲堡西南  
西北正東東南柴河堡約三百里凡誌書內所  
載墩臺百餘座皆丟棄不守甃石皆被虜拆去  
夷地爲板升其地任夷駐牧往來者數十年一  
爲新邊乃邊吏縮入內地二三十里挑築小壕  
一道以苟且自衛者自小壕以外老邊以內全  
然視爲夷物以此瞭守偏近往往邊烽纔舉而  
虜騎卽至開原城下使人不及備

遼無人無食

自遼之無人也舉族被虜田土拋荒墩軍盡不  
得不貼以堡軍堡軍盡不得不貼以營軍額糧  
虧京運自不得不多說者但謂軍不必增一清  
軍而軍足不知遼無人可勾也但謂餉不必增  
一清餉而餉足不知遼之無人辦餉也則搗巢  
開釁以其卒予虜也

邊牆城堡擇先重要

河西邊自關以東前寧錦義正安鎮武一帶河  
東自潘以北蒲汎開鐵一帶村屯已盡虜覲吾

邊堡則邊堡爲重自瀋以南遼陽海蓋二帶人  
居稠聚虜覬吾村屯則民堡爲重凡中路驛通  
城鋪在廣寧之間陽十三山凌河一帶得錦義  
爲外蔽似稍緩而村屯依焉則當視與民堡並  
重在寧前之高嶺沙河東關曹莊連山一帶去  
邊僅咫尺地最稱急而軍民依焉則當視與邊  
堡並重在遼海之甘泉鞍山長店南沙河虎皮  
北沙河一帶去邊三五十里在緩急之間而遠  
近居民依焉則當視與邊堡民堡並重其新奠

永奠孤山鹹場灑馬吉散羊谷馬根單東州會  
安白家衝三岔撫安肇河松山靖安威遠等堡  
皆東夷所窺伺則當視與迤西邊堡並重湯站  
鳳凰城鎮東鎮夷甜水威寧奉集析木城等堡  
皆東西夷所常犯則當視與迤西民金重前寧  
錦義正安鎮武等處千里甌脫而閭陽十三山  
右屯等處爲必受之區則重蒲河汎懿開鐵等  
處一望丘墟而遼瀋海蓋人財輻湊則尤重

遼東墾荒

如河東自三岔河起至開原沿邊順長六百餘里居民開墾荒田有抵墻下者種出亮子河外者而秋來零竊絕跡農家樂業孰謂壕墻無益哉

兵制內輕而外重宜矯用之京營以作邊  
兵之勢

祖制自不可易而有事改用戰將六員嘉靖行之矣文官內重外輕臺省出爲郡守固也兵制無不重總兵輕營將倘能使京營中課三年練成戰軍戰必勝攻必取大將擢總兵副將擢副總兵天下總兵與副總兵不錄京營出者皆不得與斯選則猛將勁兵皆萃于京師矣此萬世之計也管寧素懼敵至奔入城城外無禦敵



之人誠能使戰將將一萬于德勝門京營文武  
衙門太僕移駐焉健馬五千就水草而牧其東  
則張義門盧溝橋皆可軍可牧也亦以戰將將  
兵萬人騎五千兩軍遙相聲援寇至何患乎

京營論

標下官員以五百計世胄百人耳武舉廿餘人耳會舉三科各四五十人耳其納級指揮加級中軍征東西千總遙授鎮撫名色把總冠帶舍人持馬牌差票聽用者納級鎮撫尤冒濫甚多以豪奴稅棍亡命無賴充之京營科道薦額不過八十人而納級居半惟明詔止之無逐革之名收簡練之實庶不至藉刻薦媒部推而舊例年冬寄耳目於將領將領寄耳目於中軍行賄

營求惟選鋒把總爲最各營千總次之把總次之生辰彌月佳節皆有餽冬季扣糧春秋扣錢何憚而不革也選鋒以備非常設在二三百里之外將安用之人界一馬祇誨盜耳挑選至著一急着也其僑寓在京亦許補缺而建造營房以居跳蕩之輩雖遠在郊圻聚之輦下矣

### 插箇論

習令色令被插擒歸附以東西兩哨兵馬并豐州灘大小板升獻于插板升華人也嘉靖中叛

逆趙全等爲嚮道集被虜萬人于豐州灘東西  
一帶立爲板升猶華人言村落房屋也桑種飲  
食悉如中國所變者胡服耳自俺款後板升俺  
義子恰台吉所統酋納款六十年今有衆十數  
萬而板升富强甚習內地挿以之穴能無防乎  
挿故元裔夷使領賞賣馬必由兩哨遠在東偏  
積釁有年素囊物故卜失兔幼且弱居河套挿  
突于七年之冬傾巢而來陰讓奴路陽托報仇  
殺哈喇兔直抵殺胡堡克歸化城奪銀佛寺毀

習令色令而追迫卜失免妻其妻軍其軍十一月與習令等盟歸化城以合把氣喇嘛守之東行降兀慎擺腰明暗等酋十二月扎管獨石邊外舊開平所要索賞不經崇禎元年春殺那木兒台吉姑示羈縻勿絕而已蓋蠢蠢矣邊吏自終及夏悉寘度外不偵不禦五月十一宰生貴英哈等于新平堡初因索賞辱我將官借營犯順二十九日從鎮川紅賜驛抵大同城下城內馬兵不滿二千步兵三五千竟以喇嘛止戰不

傳烽村屯絕無收斂非代府矜紳協守縣令擒梟奸細岌岌乎彼且十萬越薊門而不知殘我屬夷而罔恤招之使來而又戒勿砲擊重城之內不滿萬兵大可念已

挿會論二

奸細旣獲城固難克扎四營于東堂坡海子庄李兒村四掠村屯渾源懷仁桑乾河玉龍洞劫殺二百里婦女裸衣赤體賊衆五日酣飲道上推憑剽竊執鈴箭往來請賞而已虜至不傳馳

火虜去不設伏。兵有六月初四日出邊。九月間  
與卜失兔永邵卜交戰。私卜五榜什娘子被走。  
兩家令宰生令托氣喇嘛追逐路殺祇夷都司。  
沽能兵馬之半。又陳兵延寧邊外。窮兵追卜而  
佯講款。干督師嗟乎。挿若東犯。捨居庸而走永  
寧南山。四海治靖胡堡則陵寢急。南山一帶  
擐甲枕戈。卽赦慶之犯永寧。愴惶失措。况挿乎  
哉。

挿犯鎮川竟無傳烽方報辰至邊而已已抵太  
同豈十萬挿兵一刻同至皆邊外不設遠探邊  
內無烽火故也宜令土著軍在墩臺者時刻燎  
望否則坐參遊守把而大同兵號八萬選馬兵  
一萬爲奇兵號選鋒以備冲鋒陷陣馬步一萬  
爲正兵號壯丁以備安營守寨馬步一萬爲伏  
兵以備設伏哨探分爲十營訓練餘五萬守城  
瞭望而已雲中素號不毛通糧速給不待再計  
饑荒之后設處谷價于附近收成之處收買離



粟米豆賑濟接救勸義輸助亦急務云且兵額  
計有二萬萬曆十九年裁定八萬今堪戰萬計  
草料止給春秋二季每匹月支豆九斗穀草  
計三束如折色不滿七錢夏秋則下場野牧耳  
全鎮城堡俱設倉場召買主客糧草每歲戶部  
分司發銀召買隨買隨放向無積聚倉廩空設  
卒然饑旱何以應之

補箇論四

補連奴不待信其歸巢不歸巢不必論三十六

家之從插行者，在邊堡而嚮導者，亦難悉數。顧  
我備禦宜多，竊如插旣讓路，又不能屯兵舊大  
寧二帶，則開平獨石，逕犯薊宣之路，作何遠哨  
作何堵截？方數千里，入無人之境，如宣府、張家  
口、大同、大市、口、新平路，得勝堡、殺胡堡，係順夷  
進貢開市講賞之處，小市口、鎮門堡，守口堡，助  
馬堡、寧虜堡、雲石堡，迎恩堡、滅胡堡，俱係極冲  
作何哨防？寧雲、以兵餉補款、金、精卒盡于遼東，  
迄於缺伍，備備補補，前兩單于五單于一隙，則

中國以爲藉谷不啻隙矣何道而使恩威實有  
我出機柄皆自我操不可不熟計也

揅齒論

大同邊長六百四十里餘里北連諸路西接套慶  
設大邊三邊三邊北失青山離邊七百餘里南  
山南爲豐州離離邊三百餘里離南黑河離邊  
百二十里左有雲川玉林等十二城舊設邊墩  
聯絡不絕今多傾圯雲中重險盡失僅守三邊  
於是趙全始投攻城之怯秦晉無代歲無寧日

而俺答爲最今揮酋舉動亦大可訝豐州多華人如趙全更不乏也今其所遣往來張家口者多係我降將况哨探憑通官之言通官月食糧一兩四錢以情予虜其獲甚厚似宜于文武三科及世官奇才異能立爲典屬國都護四遣出塞仍令通官爲副懸不次之賞以待奇功若起併堡齊力多備戰馬舊有戰車二百乘棄之榮廟已二十年亦宜講求而京帑之欠山西河南

通爲之奈何岔道中入達嶺居庸關實無

天司其出入如洗馬林柴溝張家口西治永寧  
鎮川鐵門瓦窑陽和後堡與得勝截胡新平皆  
緊隘也鎮川堡尤急矣東卽陽和東北直接張  
家口西卽免毫河殺胡堡過此爲大黃河折而  
南大岡正西平刑老營之快地河流可渡若虜  
入套而出犯路必由此堡有五營轄地八千里  
三營在邊以當其衝兩營在內以爲犄角然無  
重山大河爲之障堡牆卑陷土皆沙礫插住牧  
造撓鈎挨牌而且筐茶以行奪中國之利耶雖

然二鎮自滿族二將選練堪戰各有二萬人云

揅齒論六

初講款七萬今倍溢額揅每挾賞令王子乘馬  
直入高索迎風金帛動數萬計張家口二虜  
就入犯之路也

揅齒論七

京民二運缺宜雲餉以百萬計又多旱荒赤地  
馱運皆絕誰携資本干絕塞逋欠多而功令迫  
設法徵求寬嚴互用則可自榆關至居庸長城

界限居庸至宣大賴邊牆耳款市以來歲修充  
爲節省張家口市夷之馬初以疲馬易七金餘  
猶得數馬予金甲辰佯減半價妄報要求今并  
其馬不來軍人朋合之苦每一馬給軍喂養歲  
給僅四月月僅四錢放青之期牧地勢占每每  
倒死本軍不能償波及同伍則戰馬竭矣又况  
戍卒每探鮮哨役搏獸宣大所獨也急令薊鎮  
兩轄之地分修分防又令某邊援某邊某堡應  
某堡宜府急北路大同急西路西路乃山西之

垣墉實京師門戶云

海防會哨遠哨射手論

嘉靖四十二年撫臣譚綸總兵戚繼光八閩每寨設船五寨中分二哨屯大洋賊必經之處又于道里適均海洋定爲會哨之地北抵金盤南抵柘林刻船呼應不絕萬曆二十四年復有澎湖之設自額設衛軍足不踰市會哨法廢種種召募徒自煩擾請于四十二灣漁舟厚其餉令遠哨庶不至臨敵忙亂昔年以四十五司四千



五百之射手綦布作勢今寨荒官惰化爲勾攝  
復尋初意隨地皆殺賊之人矣

急救平陽厚備中州議論

撫秦勦晉一時權宜而其禍必中于晉無他順  
則撫逆則勦秦晉一也亡何澤州大警下大行  
陷隰州驅洪洞晉禍遂烈平陽一郡數百萬財  
賦三關兵餉所自出救師不宜後于登萊而太  
行直下中州殷鑒不遠予過磁州每爲深念云  
名爲毛兵其實何有河流方決又恐異軍蒼頭

特起憂不在山以西下

屯任法鹽任人

屯冊藏南京後河先取抄呈至戶部一省直巡撫各一而先以可行易行者試之一方業有成則以例其餘先定原額徐酌變通以從前侵占私賣等弊一切赦之仍寬兩年子粒而後諭各行半金半粟之令此謂屯任法霍公韜曰九邊擇廉而才者爲屯田都御史兩淮廉而才者爲鹽法都御史俾兩人如左右手攷昔年多以侍郎以中丞似宜復舊而其餘改用甲科總之鹽

臣絕聞說數十萬可解于國如前傳鹽院願携  
十萬監貴州軍足風矣此謂鹽任人

京師防禦

今之畿輔卽燕之故地也當時之君北防胡  
西敵秦東南備齊與趙無日不奔走阻會於中  
原又捐千金以養死士其民飲酒擊筑蹴鞠馳  
馬相樂相泣金臺碣石之間利饒棗栗支數  
年未嘗動稱匱乏也今乃地利如故生齒日繁  
而蕭條之景實倍於他郡邑焉縣官一月不啓  
庾或折色焉而穀價湧貴矣貧瘠若此何以示  
重天下其弊皆起於本土賦役不均防害無策

興利不實也何謂賦役不均 輦轂之下土著  
有商役之累焉凡 宮中府中之用一以需之  
貂璫又逞其血詔焉吏胥又巧其科培焉故中  
富之家不歲而鬻男析產者累相若也近郭之  
縣公侯戚畹之莊田在焉或豪民投獻或憑恃  
吞漁地歸大族賦則民償故窮簷有無地一隴  
而賠納及累世者民何繇聊生也何謂防害無  
策郊邑之害有三曰渾河曰响馬曰馬政渾河  
古所謂桑乾其改徙固無定矣然因其勢導其

流預爲堤堰以防之禍猶不烈當事者輒漠然視之及秋濤一作邑井爲波而脩築之費又置不敢問也响馬成羣公行城市然與其虛言捕緝何如平居而嚴行保甲之法至於馬政固有定制矣然馬一落貧民之手倒歿日聞而追賂之令無日不下又甚者富連阡陌不無漏籍牧之民者其害也甚矣內郡有司莫若約其丁稅所出而歸之於官官爲之擇地立羣長以牧之法關陝監苑之制民困不少蘇乎何謂興利不

實今畿輔之縣無處不有拋荒之田東南帶諸淀鈎連會于直沽如武清有三角淀寶坻有七里海足以浸灌數千頃今皆棄爲汙池誠師虞集海田之議用脫脫管田之規處處核實處處開墾歲可得粟百萬斛一以省京儲一以歸遊惰賦不必加派而自足矣今者日講興屯足不履其地手不畫一規千言縷縷何裨實用耶所謂弊不去利不興利不興國用感無籍之民饑寒日迫必轉而爲盜漢唐之盜皆起於闕



下往者流賊之變亦起於文霸之間若永平保定河間卽漢之扶風馮翊也今皆不宿重兵於此故寇賊縱橫蹂躪毫無顧忌耳誠倣三輔之制置名將練土著耕屯孳牧於其間東西有事借以爲犄角之勢無事則分巡遠哨畫地而捕歲計所獲多寡一如邊功敘之則聲靈赫然盜不期息而息矣可以衛京師可以爲沿海聲援可以收亡賴爲我用可以讐服邊兵驕悍而使之不起將見精神振而氣勢張根本固而肢體

健矣

天生五材民並用之誰能去兵兵者聖人所以  
討強暴平亂世夷險阻以捄危殆者也故曰有  
文事者必有武備周立司馬之官因井田以制  
軍王國六軍大國三軍次國二軍小國一軍以  
守則固以戰則克有發則征然要不過二三百  
里之內而已自後世始有調援之役東或于西  
南或于北然亦未有馳羽檄于五六千里外而  
致勝者項奴孽匪茹羽書旁午天下勤王之

師悉集京師甘肅兵西北號稱最勁而主者又稱北邊良將旣赴援行且至安定諸軍皆不勝內顧藉口餉薄譁然而返奪金殺將大中丞按轡至蘭乃始安輯其衆斬渠魁四人半率之而東而以其餘西歸然勢已岌岌乎殆矣粵稽

祖制師京大約宿軍三十餘萬畿內約二十餘萬盡諸邊之兵不能過此而括諸省之兵不能當此也故宜守則國固戰則國威乃馭之無制稽之無法訓之無方或占役於私家或借工于

公府或買閑而輸月錢或隨役而備役使其聽  
操練者大率其老弱不勝甲冑者也且馬多羸  
瘠器非犀利欲以折衝禦侮也得乎若得其人  
整蒐訓練毅然攷軍制一切以軍法從事萬得  
有警又安所事四方九邊之士乎哉且國家  
之有真保河間薊永此卽古者二輔之制所稱  
漁陽燕趙則又古之強兵勁卒在焉今宜於其  
原衛原營或清補原額或召募新添每二三百  
里設一遊兵營或一千二千或三千營設一遊

擊中軍千把備焉各爲操練彼此擊應一遇烽  
警隨卽赴援內外固守遠近合致羽檄不煩而  
風馳雷驟飛輓不費而士飽馬騰千里之內有  
百勝之功矣此兵東西應援辛苦倍多人馬餉  
料似宜加厚則又所以均勞逸而勸忠勤也且  
良琛保定之間爲京城扼塞若不備守使狡虜  
一旦得以萬人奪居於此是斷吾南北東西道  
也卽使徵天下兵使盡赴調亦安能從天而下  
哉今有新營重兵屯駐則近戰遠援惟吾所縱

橫耳

關門布局分防

當以兵二萬馬一萬夾關內外而守之一鎮一  
道一廳儘足矣南北二部若可廢也似宜改北  
部爲北協轄沿山一帶以至關外一片石止又  
改南部爲南協轄沿河一帶至關外中前所止  
其守之必夾關內外者何也蓋關城東邊一面  
延袤二十五里城分四段住城與南北邊城斷  
而不通羅城又與住城斷而不通議添木梯三

之可乎今以萬餘兵擺城壕猶難遍况攻南邊城而北不能接攻住城而兩邊城不能接攻羅城而住城又不能接故謂夾關內外以守也關外自北沿山三十里至一片石稍北而鐵場堡自南沿海而芝蔴灣及中前所亦三十里實相峙爲關城外護焉若遇賊不能堵截則放之來關以一片石中前所互堯其後爲背擊再以船兵忽從關內放出芝蔴灣與八里舖合爲腰擊如此賊潰而過西則關矣潰北則山矣潰南則

激矣不爲正絕地此時預備則砲砲舉賊能久  
耶顧尤恐三十五里之關城地曠而兇難則再  
於八里鋪設爲腰接蓋八里鋪稍東自北山三  
道關起至南海芝蔴灣止比建關地面轉狹僅  
二十里耳當時有欲於此添一帶土城者是又  
一城矣安得多兵守之現有建五臺者然臺稀  
砲不及放止須以一營兵住八里鋪添臺十五  
座而爲三十臺品字布之可令臺上打砲臺下  
卽握週迴三四丈深廣之窖亦品字布之夫一



管三千人每二百人掘窖兼築一臺就此窖上而砌之不過月餘可辦自臺窖以外止剩路二條通行走每臺五十人守之空心四面高低打砲止用千人不已愈於關之萬人乎且三千人以一千人守臺五百守八里舖皆爲練兵矣不河以一千五百爲屯乎一兵歲食糧六石人止收其十二石而三千兵之本色不可量省乎且於路之南北每五十丈品字植棗柳二行如此以達片石中前三十里隔絕馬足使必繇此路

關宇不益嚴耶猶恐奸細內伏平日可設鋪總  
清之猶恐潰民之忽混則臨時開一片石以放  
之

前屯之中前旣轄于關則促而前之蓋前鎮原  
轄中後今可轄及中右而止焉兵一萬七千馬  
八千儘足矣本鎮兼馬步五千船兵一千兩所  
兼馬步兵各三千所隸邊堡十餘約四子驛站  
及衛所千餘然以堡分隸于營營則直隸于鎮  
斷不必再設于協也道卽關道可兼之加一廳

可也寧遠之中右旣轄于前屯亦促而前之蓋  
鎮原轄中左今可轄杏山松山而止焉兵二萬  
馬一萬儘足矣本鎮馬步五千覺華島船兵二  
千中左杏松兼馬步各三千所隸邊堡十餘約  
六千以有撫夷口應多設防也驛站及衛所千  
餘亦以堡隸于營管統于鎮更不必再設協也  
一道一廳可也至松山而爲內地一大門牆矣  
自此正東而往小大凌河者則爲中衛防焉賊  
渡三岔河從高平沙嶺至廣寧而壯鎮堡間腸

驛十三站雖尚坐百里遙固受敵之正冲也自此稍北而往錦州者則爲北冲防焉若較中冲少迂然從瀋陽出黃泥窪渡西繇廣寧邊徑從義州達錦亦最捷也自此稍南而往若屯者則爲南衝防焉其繇杜家屯東至三岔河亦百七十八十里路北凌河不甚異但出海口止二三十里其從二夾溝渡娘娘宮徑襲益耀而固守之是爲扼吭而守金復在其後矣然冰泮而渡則爲絕地胡以濟應冰堅而渡則爲共地我憂奔

突前經略閣部皆營積於此非無意也

議有移撫於義州之太康堡者不爲無見其防  
凌河也此爲正冲與右屯錦州各止隔三十里  
犄角互用其妙無窮卽是十三站間陽以及莊  
鎮就地制用其防右屯也我渡之於冰泮實不  
易彼渡之於冰堅實甚易但就輦輦而設伏就  
坑塹而設險就曠漫而設疑就冰凌而設陷故  
謂於此三處決須設三副總爲三協焉然要仍  
隸三鎮之下以凌河協隸于寧鎮以右屯協隸

千前鎮以錦州協隸千關鎮或提衝不使徑於  
此另設一鎮加一道一廳分則各守合則互用  
嚴之功令使信地不能踈尺寸策應不能遲啓  
刻而戰守之機在我矣其凌河協則與馬步兵  
一萬餘十三站間陽驛壯鎮堡以至廣寧處處  
布設且練且屯且防焉右屯協則與船兵三千  
又馬步兵七千東自杜家屯至西寧南沿海處  
處布設且防焉錦州協亦與焉步兵一萬餘義  
達寧各邊堡處處布設且練且屯且防焉本鎮

則與馬步六千以爲中權出奇之用統計三  
防止用兵三萬六千合之寧鎮之二萬前鎮之  
二萬七千關鎮之二萬止用兵九萬三千於十  
萬之數尚有餘也如此畫地而分布之卽如此  
畫地而責成之以此爲守是有重重藩籬之守  
方爲實守以此圖進是有節節後勁之進方可  
實進

蘭州備禦

蘭州備禦都司二員原爲甘肅鎮統領臨河秦

鞏洮岷甘蘭八衛所班軍者也軍大約一萬有奇始設于莊浪等處分派兩班輪流防禦自恢復松疆以來奉文議革免其上班將各軍原舊上半年在倉月糧銀內折半扣解莊涼名曰班銀在彼召募土著充前班軍以備防禦其扣剩班銀並原在地糧石仍給各軍支食以聽差操而二都司駐劄蘭州每歲防秋發防於道屬邊堡冬春放回此項班軍舊不隨營操練雖甲子刀且不知爲何物卽奉調防範亦每視爲故事



彊者在家弱者撥發正身在家替者撥發及至防禦處所亦不過以補工程修水口爲名耳汝有用之軍置之無用之地以有額之餉糜之無用之人無裨實事今旣已議將甘蘭二衛之軍盡數入蘭營之內又以臨河二衛之軍揀半湊景古之營其餘選剩則臨衛宜歸臨營河衛宜歸河營各隨大營以成操練又再將各衛所州縣原額備禦民兵暨輦昌見在遊兵盡數查出其二都司旣以一員改蘭州叅將今仍以二員

加遊擊職銜統秦鞏洮岷四衛所官軍駐鞏昌  
或秦州克爲遊兵營在彼操練專備調遣應援  
之用焉以上改用班軍月糧俱准全給其扣解  
班銀行令河西五道查處抵補馬匹各於所在  
茶馬內依給如此則官不外設兵不外募精不  
外增一轉移間而兵與餉兩有實用矣

### 河北防禦

自流寇震隣以來大河以南所當密布而設防  
者無如黃流兩岸大河以北所當扼要而制奇

者無如太行一脊查輝北八十里接林縣界古  
名林慮是也此邑正西鄰山西壺關縣西北鄰  
山西平順縣西南鄰山西陵川縣賊從陵川來  
則林之陸嶺小落店二地其賊所出入之境此  
處宜各布鄉兵晝夜守之賊從平順來則林之  
斷金橋魯班寨尖湛口三處俱賊所經繇之地  
此處宜各撥鄉兵晝夜守之賊從壺關來則林  
之嘴子村花園村二處皆賊所必入之境此處  
宜撥鄉兵晝夜守之而離縣四十里更有一山

徑驛築塞者四面懸崖陡絕中有平線鳥徑可  
通太行其上平坦有土可耕約有五里許水泉  
也亦餘處聞故老相傳爲前時曾有流賊據其  
巔攻之數年始下其勢不亞水峪村馬頭山故  
事昔曾設巡簡司并建營房練兵其上今荒址  
尚存而間爲空山久矣本道前慮猖寇狂奔檄  
百戶陳植領府兵一百名駐防此山以其山有  
水有草可戰可守真練兵之上游也似當仍復  
舊制常建虎豹在山之勢則林可無慮矣從林

折而北行八十里遞涉縣界涉西鄰山西黎城縣西北接遼州界西南聯和順界相距各數十餘里而黎城頗近皆有高山峻嶺若天塹之限然至匹馬不能飛渡者若西南地名响堂鋪離涉二十五里有邊牆一路兩岸夾山峻絕此地設鄉兵守之真以一可以當百矣牆外卽黎城地方行二十里名小山口又有邊牆一路再行五里許兩邊大山中有大邊牆一路關門一座額碣刻中州外翰四字詢之故老云嘉靖一計

至年間由北虜迭犯時河南撫臣李公諱宗樞  
疏請燕豫晉三省錢糧而創之者惟河南工費  
倍多約金錢以數萬計彼時該縣曾設守備宿  
重兵以守之今承平日久人不知兵爲何物矣  
但今磁旣宿兵則涉之守備官兵似不必另設  
也折而西北離涉四十里至鐵腳峪裏夾岸兩  
大山相對俱有邊牆中河口相距二百步舊有  
關門近被山水衝塌又行十五里至毛嶺山頂  
尚有巡簡廳今無官又下坡里許有大

路東西有敵台尚存東南有舊關券門長約里許俱被山水衝壞此皆涉之險要隘口俱當派布鄉兵盤詰防禦倘有狡啓不妨赴磁請兵可朝發而夕至者也則涉可有恃以無恐矣從涉而東北卽武安之內地也武距磁頗近在涉之腹裏故武又視涉爲外藩而涉視武爲內翰矣武安城西抵山九十餘里地名高冠堂四山壁峭高可千仞中有邊牆一路此地以十數人守之賊不能翅而過矣再遙而西有十八盤路更

險峻亦係要口再折而西北去縣三百餘里有  
摩天嶺路近北直順德沙河地方山愈峻絕俱  
與遼州接壤以上皆係武安衝口似當設兵防  
守第山中枯無人烟棲止恐官兵到彼無處安  
身得一適中之地名陽邑鎮爲該縣三路要區  
居民千有餘家此處團練鄉兵百餘人可以照  
管三路再同固鎮巡簡弓兵相爲呼應則武安  
可保無虞矣此守輝北一帶信地之布置也



瑞金縣備禦紀事

辛未二月二十二日巳時流賊數千從長汀賴坑小路突至瑞金縣南門岡札營開旗放銃焚屋攻圍城池汀州府冒羊角營援兵不及至王學博魁春署邑事激諭鄉團排門兵埋伏廿五日辰時與賊交鋒多設疑兵生擒三十餘名斬首四十餘顆賊營盡行焚燬奪馬銃鎗刀鑼鼓旗鉞硝磺鉛彈禽書圖書等項奔潰福建古城地方奉有以署職能鼓勵兵民多所擒斬在與

心錄之旨夫一教官尚能禦賊及是時各省  
屬備何至壬申之流毒也

金陵防禦

金陵設立教場大小管神機營巡邏遊巡營新  
江口管邇因關白之亂添設陸兵水兵營又以  
妖變添立標營京營兵舊十萬有餘後乃日腹  
月削今大教場見存兵止六千三百有奇小教  
場九千一百有奇神機二千五百有奇巡邏遊  
巡三千六百有奇新江口五千八百有奇總之  
不盈三萬內則徒手寄操居十之二老稚疲癯  
居十之九所恃者止陸營之二千八百水營之

一千七百標營之一千三百餘人而邇亦非其  
舊矣且逃亡住糧詞訟作缺避勞就逸隨時掣  
去有缺無補一去不復數年之後寧復有兵江  
北門戶浦口營兵二千池河三千名在實以萬  
曆十一年兵部於每營題補至一萬一千三十  
五年題准選壯丁以充缺伍而當行不行耗  
而益耗者又五年查出十一年舊額將五十餘  
衛軍不論正餘盡數挑選少年膂力壯健心神  
朴茂精彩煥發者儘作營兵最上爲選鋒次卽

爲常伍有餘則補作駕船守門諸役于各營內  
汰出憊懦矮小力差弱年未衰者充大小衙門  
官府跟隨導衛之用法行自主始舊有仗財管  
窟投托隱占者助功卿第各自清查但係衛軍  
送還本兵一體審發用此法選補于大小教場  
各宜補足一萬一千神機合巡邏遊巡亦然新  
江口總不能復舊額一萬七千之數亦宜選足  
二萬二千五百人浦口池河亦先選各五千連  
絡犄角聲勢相援至于

孝陵原額三千今亦宜于本衛軍餘挑選足  
千寄操諸軍此空勢應撤回彼空自爲簡補  
祖陵何地每管仍預取壯丁二百名爲聽補軍  
遇有事故兩管按籍取補無煩拮据捍外衛內  
策無踰此

祖宗執府衛爲兵戰則領符散則歸衛者爲子  
孫練兵之良法也卽月米爲餉正軍一石餘正  
六斗者爲子孫省餉之良法也卽各營精兵  
萬六管水營亦各補足二千則彼此協力合

一體新江口船舊四百有奇今存者百十隻其  
風雨朽壞薄板稀釘竟難衝浪水管兵船多不  
滿百貪弁染指柳質易腐近更修飭載兵無幾  
篙師舵工手疎目炫膠舟可虞合無以造船職  
掌總屬兵曹專督歲修更有宜議復設者諸營  
外列江口最要

成祖屯重兵江上以文武重臣統率之舊例官  
軍住宿早晚點開跬步難離今厭薄險遠如禦  
魍魎官棄伍而家居卒捨舟而城處纜舟漂泊

寂無人知詰其所以則江岸傾灘營場圯壞將  
臺軍壘湫淋瀉湍重鎮軍機廢弛至五六年矣  
嘉靖年間兵部因事預防有四面營盤選鋒伏  
場之建南如石子崗東如土山西如望江樓北  
如仙鶴觀麒麟鋪東山寺等處墩臺累累一以  
控扼地形一以埋伏人馬承平日久或土民侵  
占或荒蕪積草今西尚有而東南北三面曠然  
失陷舊趾可尋可不亟行查復整立守望春秋  
閱視播威武以攝不軌之民乎新江口抵江浦



驛三十里程耳近開新河相望頗近一葦可渡  
宜有重險以限長流孰若新江口船額告復其  
舊分支船以衛浦口東西兩岸對守戒嚴賊從  
水則夾擊之便從陸則摧遏之易乎

嘉靖中倭亂招集義烏江陰靖江崇明人爲兵  
費用甚多却專在畱都作賊吳悟齋目擊其事  
盡汰遣之昨壬辰倭侵朝鮮於中國未有一矢  
相加遺也而本兵與操江四出招募羣不逞之  
徒麇至戊戌北部調二千人往戍旅順矣復招

集以補之旅順兵還又增一倍此時工苛造房屋承甲戶兵二部給糧餉糜費不貲地方何嘗得分毫之力今羣聚城外夜則羣至人家劫其財物亂其婦女居民盡移入城中然羣盜亦隨以至矣

倪文毅公嘗疏乞復漕運以足兵食而紓民力略曰今關陝所需皆山西河南所給而二方之地俱近黃河其間雖有三門析津龍門之險然昔漢唐糧餉繇此而通卽今鹽舡木筏往來無

滯今令戶部所計山西米豆必運貯榆林及保  
德州縣諸倉河南米豆必運貯潼關衛及陝州  
諸倉其諸州衛地皆瀕河可通舟楫踵往古故  
跡而行免當今陸運之害公私之利奚啻萬萬  
况今河道當潼關之北數十里接連渭河可通  
陝西及鳳翔鞏昌渭河西流數千里接連洛河  
可通延安及北上源可通邊堡渭河西流三百  
餘里接連涇河可通涇陽河可通慶陽又龍關  
之上舊有小河徑通延綏備加修濬必可行無

此宜相度地形按求古跡某處避險可以陸運某處可以立倉倒運某處可以造船裝運如是則不但三方之困可紓雖四方之物無不可致矣

澹泉鄭公云南都水軍勝于陸卒營馬壯于江舟此論非也顧整頓何如爾

國初起運船皆造于南京龍江關提舉司永樂年間省直糧米運淮派撥軍船因改建清江廠于淮安宣德間各省糧俱改本地交兌船亦撥

回團造惟南京軍船不過江止寄泊瓜儀二壩  
江南糧米仍民船裝至壩交卸故船仍在淮成  
造至萬曆元年收瓜州壩爲通江關南京軍船  
徑過江直抵水次領兌漕運都御史王廷瞻題  
請工部覆議遂將南京各衛運船復歸龍江廠  
脩造緣各衛軍住南京費出南部木繇南關抽  
分以便就便故費省而船固二十八年淮廠匠  
作鑄謀運總條議改歸清江廠木價旣多且匠  
作不堅板薄釘稀不久輒壞兼以軍士守候經

年運官監督不便而空舡回塢看護尤難南科  
祝世祿隨疏其苦下部未覆邇年丁甲疲累日  
甚萬曆四十三年南大司馬黃鍾梅公乃上疏  
請復歸龍江廠聽南工部自造此誠甦軍救運  
之急務乃命下未覆

萬曆四十三年武選郎王宇議將各衛船甲酌  
量丁力通勻增減以救之蓋諸衛運船不齊有  
踰百六十隻者有少不及二十隻者向原隨丁  
力而派日後人戶消長衛事變更昔繁今簡者

雖增之不病其厲昔殷今乏者非減之莫甦其  
困矣况增者僅數隻而減者聞至數十隻酌盈  
濟虛實急救運困第一議

南京起運漕船

南京之險唯在長江夫倭寇入海抵龍江關但  
四五百里設中原有警從襄樊順流而下直擣  
建康或自淮揚而來只一水之隔使守在江上  
猶有險可據若已渡江奄至城下則我已失其  
險而朝廷所設重兵十萬之衆如鼠在穴中  
坐而待斃耳今江上之守獨操江有少兵亦甚

單弱南京兵部略不于與而宿重兵于無用之  
地甚非長算或云操江都御史當開府于儀真  
督率江儀真等衛兵專一校閱水戰南京于京  
營中抽選一萬餘人給以行糧以兵部一侍郎  
領之亦在江上教習水戰苟一時有事彼此策  
應則長江之守庶幾如常山之蛇首尾相救而  
根本之地始爲有恃矣科中建白後下南京大  
小九卿議報有阻之者其議遂寢

用兵先得地利

糴南京倉米者買軍家籌到倉會支初至時每



支米一石量出一斗米皆精好至丙辰年止數  
正數後漸減少一石只九斗四五升矣而糴穀  
幾半遂啓庚申之變繼此呂沃洲爲總督知其  
故遂較勘斗斛時時至倉巡視各管倉主政初  
皆遵守約束收米皆不苟

倉米減少

太祖順流自采石取金陵

成祖逆流自儀真入金陵長江險矣而江防爲  
要宋人之言曰屯兵據要雖在于江南而挫敵  
取勝多在于江北

江防

乙卯年倭從浙江嚴衢過饒州歷徽州寧國太平而至南京纔七十二人耳南京兵與之相對兩陣殺二把總指揮兵士死者八九百此七十二人不折一人而去南京十三門緊閉傾城百姓皆點上城堂上與各屬分守各門雖賊退不敢解嚴夫京城守備不可謂不密平日諸勲貴騎從呵擁交馳于道軍卒月請糧八萬正爲有事備耳今以七十二暴客扣門卽張皇如此寧不爲朝廷辱耶倭旣殺敗官兵卽日宿于板

橋一農家七十二人皆酣飲沉睡此時若有探  
細人偵知其實當夜遣一知事將官潛提三四  
百人而往可以掩殺

楚吳防禦

楚故有僞漢餘孽今變爲戈陳三姓家世興國  
大治蕃衍實甚而好勇倔強不服國法尤其本  
性近雖有緝捕府之設而尤難制馭彼其人共  
一族則其心同居聯二省則其地利設爲不然  
之慮則首禍興蘄次及江鄂伸足向吳會旁及  
豫章此順流之勢也法當于興蘄之間請置遊  
擊官一員宿精兵教練使彼掣肘畏望而又勅  
有司撫馭得宜則自不敢爲難首也

試觀楚邊辰沅鎮筸流賊蜂起時而遊劫四郡  
則曰鉅盜時而潛入苗巢則曰內逆南過桂竹  
而羅鬼椎結爲之輔車西至夜郎而焚醜雕題  
爲之唇齒憑恃叢箐驅使諸苗下而洞庭則九  
江一帶五谿雜處更便於狂逞憑嘯飄忽風濤  
頃刻千里卽岳陽守備鹿角巡司然一隅之防  
豈遠馭之略也又下而金陵每恃長江爲天塹  
在者嘉靖壬子乙卯間捷如風雨暴如雷霆波  
濤荻草反爲盜區矣安所畏江矧徐邳以南皆

咽喉之地中州以北又交錯之方每見此間響  
馬猖狂鳴雞夜發設使遠通寇近通盜連橫約  
結斬木揭竿則今之荻港錢家山三山夾等處  
皆可依爲穴禦江則趨陸禦陸則趨江萬一直  
指留京患可勝言哉故采石必設沿江之屯則  
金陵之門戶可固馬家渡永河等必添防戍之  
卒則金陵之肢節可寧

楚地廣人多素稱澤國田瘠賦重加以衛所單  
弱急宜擇清廉縣令悉心撫字清查衛兵挑選

訓練至若蘄黃之間與戈陳接壤不時盜發猶爲地方之憂今宜勅各郡於凡鄉村之中戶編壯丁每村離五六里總路處建一高樓上置大鼓一家有事則鳴鼓本村壯丁各執器械救護一樓鼓鳴則各樓皆應各村壯丁皆持刀于各路守把

揚州防禦

揚州古維揚地也其地南拱雷京北以長淮爲委流迤西有上下二江抵鳳泗寢陵在焉直

浙寇新防議二

邊海自廣閩浙迄遼一萬四千里之遙盜賊多起於閩中彼地窄民稠以海爲田凡商於海者屢被漁船劫掠亦不必專在於盜故漁船可用也不可恃也今敵亦用之矣且閩多通倭之船或有遭風失利卽帶賊倭幾人帶倭衣倭器回至海洋卽奪漁船取漁船人爲當分一二人管一船始不過十餘船在海洋行劫不敢登岸肆毒漸而奸民附之者衆其勢遂張尚多不過滿



百其大船止烏尾船釣船小則水底艚船耳宜  
船則有大冬船大福船大烏船俱可勝之賊尚  
不能得志於我至崇禎元年周三老李魁奇鄭  
芝龍等有大船動以百計及芝龍撫而周三老  
李魁奇皆就殲滅壬申七月劉香老具有廣東  
極大之船每船紅夷大銃十餘枚大小船三百  
餘號總之沿海隨地設守湯信國建置衛所城  
池戍卒水陸爲防計至周也嗣後軍弱備單益  
以民兵戰艦夫亦兵守於外而海軍尚與之惡

也近時海邊競習於文多青衿家包蔽冒食軍糧而荷戈者非雇替卽殘弱虛名無實遂成疲敵且欲盡將出海之軍更立團練於陸而水備益廢蓋是舊制盡棄之漚畫其不可輕議者

### 浙寇新防議二

溫區之平陽縣首與閩爲鄰其地廣而饒山多盤結不治平陽富室豪家貪利收集閩人開荒始皆貧民繼多奸民似有將動之形使水寇兩相響應其憂方大此平陽之守宜重也

寧區惟昌關爲首衝之險南與台區隔數百里  
之洋北與定海隔數百里之洋止以千餘兵外  
遇海寇之流突內護象山縣之生靈頻年多亂  
今議洋遊兵千餘協守再議建敵臺設伏銃險  
要庶可保一隅耳

寧區舟山獨懸海上相近普陀與定海一潮之  
隔設叅將居此以爲寧波府之外藩其山極大  
而有七十貳畧恐大盜思據爲巢穴此不可不  
加意深防也